

# GJALDSKRÁ

## fyrir Stykkishólshöfn.

### I. KAFLI

#### Gildissvið.

##### 1. gr.

Gjaldskrá þessi fyrir Stykkishólshöfn er sett skv. heimild í 17. gr. hafnalaga nr. 61/2003.

### II. KAFLI

#### Um hafnagjöld.

##### 2. gr.

Við ákvörðun hafnagjalda samkvæmt stærð skipa skal miða við brúttótonnatölu skipa samkvæmt alþjóðlegu mælibréfi, sem gefið er út í samræmi við alþjóðasamþykkt um mælingu skipa frá 1969.

##### 3. gr.

Af öllum skipum skal greiða hafnagjöld til hafnarsjóðs ef þau koma inn fyrir takmörk hafnarinnar og njóta þjónustu hennar.

#### ***Þjónustutími hafnarinnar.***

##### 4. gr.

Opnunartími hafnarvogar frá 1. ágúst til 14. maí er frá kl. 8.00 til kl. 17.00 alla virka daga.

Opnunartími hafnarvogar frá 15. maí til 31. júlí er til kl. 21.00 á virkum dögum og 13.00-19.00 á helgum til að koma til móts við þarfir smábátaeigenda. Hafnarstjórn getur ákveðið aukna sumaropnun miðað við aðstæður og aflabrögð hverju sinni.

Sé óskað eftir þjónustu hafnar eftir lokun á virkum dögum (eftir kl. 21.00 að sumarlagi) og um helgar skal erindi þess efnis hafa borist hafnarstarfsmanni klukkutíma fyrir lokun hafnarinnar.

#### ***Skipagjöld.***

##### 5. gr.

#### *Lestargjald:*

Fiskiskip skulu greiða lestargjald en þó ekki oftar en tvisvar í mánuði.

Af öllum skipum skal greiða lestargjald 22 kr., skv. 2. gr., við hverja komu til hafnar.

Af öllum skipum nema smábátum.

#### *Bryggjugjald:*

Bryggjugjald miðast við hverja byrjaða 24 klst.

11 kr. pr. bt af öllum skipum nema smábátum.

Fiskiskip sem skila aflagjaldi til Stykkishólmshafnar greiða þetta gjald eigi oftari en 15 sinnum í mánuði.

Heimilt er að leggja á allt að fimmföld bryggjugjöld á skip og báta sem liggja um lengri tíma við bryggju og hafa verið án haffærisskírteinis í a.m.k. 6 mánuði.

Heimilt er að leggja þreföld bryggjugjöld á skip og báta sem óska eftir langtíma viðlegu vegna annarrar starfsemi en útgerðar sem ekki er í einkastæði.

*Smábátar við smábátabryggjur:*

10.490 kr. pr. mánuð, bátar minni en 10 bt (almenn viðlegupláss smábátabryggju).

Bátar sem ekki skila aflagjaldi greiða 12.250 kr.

11.120 kr. pr. mánuð, bátar 10 bt til 50 bt.

Bátar sem ekki skila aflagjaldi greiða 12.780 kr.

14.674 kr. pr. mánuð, bátar 51 bt til 100 bt.

166.800 kr. pr. ár, bryggjugjöld í einkastæði, skipt á 2 gjalddaga (básar smábátabryggju).

Básur er úthlutað skv. biðlistum og má greiðandi einn nota básinn.

Bátar sem skila aflagjöldum hafa forgang.

Óheimilt er að framleigja/lána úthlutaða bása, nema annað fyrirkomulag sé samþykkt af hafnarverði.

20.000 kr. pr. mánuð fyrir legu báta 0 til 50 bt sem ekki hafa haffærisskírteini í 6 mánuði eða lengur.

930 kr. greiðast fyrir skútur og skemmtibáta fyrir hvern legudag.

***Skemmtiferðaskip:***

Stykkishólmshöfn tekur við bókunum þrjú ár fram í tímann, frá áramótum að telja.

Við afbókun á komu skemmtiferðaskipa gildir eftirfarandi:

Afbókun innan við 18 mánuðum fyrir áætlaðan komutíma leggst á afbókunargjald sem er 5% af bryggjugjöldum.

Afbókun innan við 12 mánuðum fyrir áætlaðan komutíma leggst á afbókunargjald sem er 15% af bryggjugjöldum.

Afbókun innan við 6 mánuðum fyrir áætlaðan komutíma leggst á afbókunargjald sem er 30% af bryggjugjöldum.

Afbókun innan við 3 mánuðum fyrir áætlaðan komutíma leggst á afbókunargjald sem er 50% af bryggjugjöldum.

Afbókun innan við 48 klst. fyrir áætlaðan komutíma leggst á afbókunargjald sem er 100% af bryggjugjöldum.

Undanþegið bryggjugjaldi er þegar afbókun er gerð innan við 48 klst. fyrir áætlaðan komutíma vegna slæmra veðurskilyrða.

Afbókunargjald leggst ekki á breytingar á dagsetningum og/eða skipum svo framarlega sem unnt er að verða við slíkri beiðni.

### **Vörugjöld.**

#### 6. gr.

Vörugjald skal greiða af öllum vörum sem fluttar eru af skipsfjöl á land eða úr landi á skipsfjöl, eða úr einu skipi í annað, innan takmarka hafnarinnar, þó með þeim undantekningum er síðar getur. Farmflytjandi skal skila farmskrá og öðrum nauðsynlegum gögnum til Hafnarsjóðs Stykkishólshafnar vegna álagningar vörugjalda.

#### 7. gr.

Fyrir vörur sem samkvæmt farmskrá skips eru ákveðnar til annarrar hafnar, innlendrar eða erlendrar, en eru látnar á land um stundarsakir, skal aðeins greitt vörugjald þegar vörurnar eru fluttar í land.

Undanþegnar þessu gjaldi eru vörur sem látnar eru á land um stundarsakir vegna skemmda á skipi.

#### 8. gr.

Af vörum sem fluttar eru á skip og fara eiga til annarra hafna innanlands greiðist hálfvörugjald.

Af vörum sem fara eiga til útlanda en umskipað er í innlendri höfn skal greiða fullt vörugjald í fyrstu lestunarhöfn.

#### 9. gr.

Þessar vörur eru undanþegnar vörugjaldi:

- a. Umbúðir sem endursendar eru.
- b. Olía, vistir og aðrar nauðsynjar skipa til eigin notkunar.
- c. Almennar póstsendingar og farangur ferðamanna.
- d. Úrgangur sem fluttur er til eyðingar.

#### 10. gr.

Vörugjald skal reikna eftir þyngd eða verðmæti, með umbúðum og af hverri sendingu sérstaklega.

Fara skal eftir farmskrá skipa við útreikning vörugjalds. Skipstjóra eða afgreiðslumanni skips er skylt að láta gjaldkera hafnarinnar í té afrit af farmskrá.

Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farmeigandi kostnaðinn.

Séu fleiri en ein vörutegund í sendingu ósundurlíðað skal reikna vörugjaldið eftir þeirri tegund sem hæst gjald skal greiða af.

## 11. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

## Vörugjaldskrá.

1. Gjald kr. 490 fyrir hvert tonn:

fl.:

Bensín, brennsluolíur, kol, laust korn, salt, vikur, þörungamjöl, þang og þari, sement, áburður og úrgangur sem fluttur er til endurvinnslu.

2. Gjald kr. 580 fyrir hvert tonn:

fl.:

Lýsi og fiskimjöl.

3. Gjald kr. 890 fyrir hvert tonn:

fl.:

Þungavarningur, svo sem sekkjavörur, óunnið járn og stál, útgerðarvörur, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda.

Pökkuð og niðursoðin matvæli, óáfengar drykkjarvörur og ávextir.

Vélar og tæki hvers konar og varahlutir þeirra, svo sem heimilis- og skrifstofuvélar, bifreiðar, bifhjól, reiðhjól, hjólbarðar, bátar, flugvélar, hreyflar, mælitæki, húsbúnaður, vefnaðarvara og fatnaður. Útvarps- og sjónvarpstæki, hljóðfæri, úr, klukkur, myndavélar, sjónaukar, glysvarningur alls konar, vín, tóbak, sælgæti, snyrtivörur og lyf.

4. Gjald kr. 2.300 fyrir vörur sem ekki verða flokkaðar annars staðar eftir þyngd.

fl.:

5. Aflagjald 1,60% hlutfall af heildarverðmæti.

fl.:

Sjávarafli lagður á land eða í skip á hafnarsvæðinu til vinnslu eða brottflutnings, þ.m.t. fiskur og seiði úr eldiskvíum. Gjaldið reiknast af heildarverðmæti aflans.

Gjald af frystum afla veiðiskipa og eldisfiski reiknast af helmingi heildarverðmætis.

Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverði.

Kaupanda aflans ber að afhenda hafnarstjóra skýrslu um keyptan afla mánaðarlega, t.d. afrit af aflaskýrslu til Fiskistofu. Aflagjaldið fellur í gjalddaga um leið og afla er landað.

Kaupandi aflans innheimtir gjaldið hjá seljanda og er ábyrgur fyrir því til hafnarsjóðs þótt hann vanræki innheimtu þess.

Standa ber skil á greiðslu aflagjalds eigi sjaldnar en mánaðarlega.

Við sölu afla til skyldra aðila skv. 3. mgr. 9. gr. laga nr. 13/1998 um Verðlagsstofu skiptaverðs og úrskurðarnefnd sjómanna og útvegsmanna skal að lágmarki miðað við skiptaverð Verðlagsstofu skiptaverðs.

## ***Úrgangs og förgunargjald.***

12. gr.

Samkvæmt lögum um varnir gegn mengun hafs og stranda nr. 33/2004 og reglugerð nr. 1200/2014 ber skipstjóri ábyrgð á að úrgangi frá skipi sé skilað til hafnar eða viðurkennds þjónustuaðila áður en látið er úr höfn.

Skipstjóri, eigandi skips eða þjónustuaðili skal undantekningalaust skila fyrir komu skips til hafnar útfylltu eyðublaði til hafnarinnar um magn og tegund þess úrgangs sem skilað skal á land. Misbrestur á því getur leitt til tilkynningar til Umhverfisstofnunar.

Skip sem óskar eftir að Stykkishólshöfn taki á móti úrgangi skal tilkynna um það að lágmarki 24 klst. fyrir komu til hafnar.

Fyrir öll skip sem falla undir 11. gr. c í lögum um varnir gegn mengun hafs og stranda nr. 33/2004 skal greiða eftirfarandi vegna úrgangs:

- A. *Úrgangsgjald:* Við komu skips til hafna skal skip greiða 0,97 kr. á bt. Gjald þetta skal standa undir eftirliti og umsýslu hafnar vegna móttöku á úrgangi.  
Lágmarksgjald samkvæmt þessum lið er 8.850 kr.  
Hámarksgjald 37.900 kr.
- B. *Úrgangsgjald:* Skip og bátar sem koma oftast en fjórum sinnum til hafnar á sama almanaksári greiða hálf gjald samkvæmt a-lið fyrir fjórðu komu og komur eftir það.  
Óski skipstjóri eða eigandi skips eftir að tekið verði á móti úrgangi frá skipinu skal hann hafa samband við viðurkenndan móttökuaðila samkvæmt ábendingu hafnarinnar eða óska eftir því að höfnin annist móttöku á úrganginum.
- C. *Förgunargjald:* Lágmarksgjald hafnar fyrir móttöku á úrgangi er 14.040 kr. á hvern rúmmetra og að lágmarki fyrir einn rúmmetra.

Kjósi skipstjóri eða eigandi skips að óska eftir þjónustu viðurkennds aðila þá greiðir hann kostnað við þá þjónustu. Skipstjóri og/eða eigandi skips ber ábyrgð á að útfylltu eyðublaði um magn og tegund sorps sé skilað til hafnarinnar, en misbrestur á því getur leitt til tilkynningar til Umhverfisstofnunar.

Skip sem undanþegin eru gjaldskyldu skv. 1. tl. 2. mgr. 17. gr. hafnalaga skulu eftir sem áður greiða fyrir losun sorps og förgun þess ef óskað er eftir þjónustu hafnar eða viðurkennds móttökuaðila, eftirfarandi:

- a. 3.790 kr. Bátar að 20 bt á mánuði (innlend skip).
- b. 8.840 kr. Bátar 20-200 bt á mánuði (innlend skip).
- c. 25.000 kr. Bátar yfir 200 bt á mánuði (innlend skip).
- d. 15.000 kr. fyrir hverja einstaka losun (innlend skip).

Skipstjóri eða eigandi skips sem fengið hefur undanþágu frá Umhverfisstofnun um skil á sorpi eða tilkynningum, skal framvísa gildri staðfestingu þess efnis.

Kjósi skipstjóri eða eigandi skips að óska eftir þjónustu viðurkennds aðila þá greiðir hann kostnað við þá þjónustu.

Fiskiskip, skemmtibátar sem ekki mega flytja fleiri en 12 farþega, herskip, hjálparskip í flota, skip sem þjónusta fiskeldi og skip í ríkiseign eða ríkisrekstri sem nýtt eru í þágu hins opinbera, sem koma til hafnar skulu greiða eftirfarandi gjald fyrir móttöku og meðhöndlun á úrgangi frá skipum:

Gjald fyrir sorpeyðingu reiknast miðað við brúttótonnatölu skipa og báta og er eftirfarandi

0-20 bt	3.790 kr. pr. mánuð
21-50 bt	5.300 kr. pr. mánuð
51-100 bt	8.340 kr. pr. mánuð
101-200 bt	10.870 kr. pr. mánuð
201 bt og yfir	17.690 kr. pr. mánuð

### ***Vatnssala.***

#### 13. gr.

Gjald fyrir vatn afgreitt frá bryggju er miðað við brúttótonnatölu skipa og báta eða innheimt skv. mæli og er eftirfarandi:

Samkvæmt mæli 420 kr./tonn

0-20 bt	3.790 kr. pr. mánuð
21-50 bt	7.080 kr. pr. mánuð
51-100 bt	12.890 kr. pr. mánuð
101-200 bt	21.480 kr. pr. mánuð
201 bt og yfir	46.890 kr. pr. mánuð
Afgreiðslugjald dagvinna	6.450 kr.
Afgreiðslugjald næturvinna	12.000 kr.
Utan hefðbundins vinnutíma	24.890 kr. fyrir útkall

Lágmarksgjald við tengingu og aðgang að vatni miðast við 15 tonn á mánuð.

### ***Vigtargjald.***

#### 14. gr.

- 340 kr. fyrir almenna vigtun fyrir hvert byrjað tonn.
  - 2.150 kr. er lágmarksgjald fyrir einstaka vigtun.
  - 360 kr./tonn er skráningargjald í Gafli á afla sem ekki kemur á vog.
  - 4.050 kr. fyrir vigtun ökutækja og vagna.
  - 24.890 kr. fyrir útkall vigtarmanns.
  - 8.320 kr./klst. fyrir yfirvinnu vigtarmanns.
  - 3.120 kr./klst. er lágmarksgjald vigtarmanns.
- Eftir klukkan 17.00 frá 1. ágúst til 14. maí er greitt að lágmarki fjögurra tíma útkall.

Milli kl. 17.00 og 21.00 og milli kl. 13.00-19.00 á helgum frá 15. maí til 31. júlí greiðist að hámarki á hvern bát hálf gjald eða tveggja tíma útkall.

Eftir klukkan 21.00 frá 15. maí til 31. júlí er greitt að lágmarki fjögurra tíma útkall.

Heimilt er að deila útkallsgreiðslu á skip komi fleiri en eitt inn til löndunar á sama tíma.

Ef óskað er eftir þjónustu/vigtun á stórhátíðardögum eða sérstökum frídögum er greitt tvöfalt gjald.

### ***Hafnsögu- og festargjöld.***

15. gr.

Greiða skal festargjald bæði við komu og brottför skipa. Þegar skip leggur að bryggju skal a.m.k. einn starfsmaður hafnarinnar taka á móti því. Heimilt er að veita undanþágu frá þessari reglu í sérstökum tilfellum.

Hafnsögugjöld skulu greidd samkvæmt eftirfarandi:

- a. 11 kr. á bt í hafnsögugjald að bólvirki eða lægi. Sama gjald greiðist frá bólvirki eða lægi.
- b. 9.880 kr. í hafnsögugjald, fastagjald á tímaeiningu fyrir leiðsögn hafnsögumanns við siglingatölvu til og frá höfn.
- c. 51.250 kr. fyrir hverja byrjaða klst. fyrir flutning hafnsögumanns til og frá skipi. Lóðsbátur (e. pilotboat).
- d. Festargjald:
  - 20.220 kr. festargjald utan opnunartíma hafnar.
  - 20.220 kr. festargjald fyrir hvern starfsmann í hvert skipti.

### ***Raforkusala.***

16. gr.

Ekki er leyfilegt að tengjast við rafmagn nema rafmagnsmælir sé notaður til aflestrar á notkun og hún sé tilkynnt til hafnarvarðar.

Smábátar sem ekki gefa upp rafmagnsstöðu greiða fyrir 25 kW á sólarhring.

- a. Raforkusala er innheimt skv. mæli 21 kr./kWst.
- b. Lágmarksgjald miðast við 300 kWst. 6.260 kr.
- c. Tengigjald fyrir tengingu við rafmagn er 3.900 kr.

### ***Kranagjald.***

17. gr.

Kranagjald skal greitt samkvæmt eftirfarandi:

- a. Kranagjald smábáta:
  - 710 kr. fyrir hvert byrjað tonn.
- b. Kranagjald grásleppubáta:
  - 9.870 kr. pr. mánuð.

**Ýmis leigugjöld og önnur þjónusta.**

18. gr.

a. 150 kr./m<sup>2</sup> er leiga á Skipavíkurhöfn, mánaðargjald.

b. 46.800 kr. fyrir notkun stórra friholta, hver koma.

c. 29.120 kr. fyrir notkun á landgangi á dag.

Leigutaki greiðir fyrir uppsetningu, niðurtöku, flutning á landgöngum sem og landgangspöllum kr. 260.000.

Leiga á landgöngum sem eru 10–14 metrar: kr. 80.164 fyrir hverjar byrjaðar 24 klst.

Leiga á landgöngum yfir 14 metrum: kr. 111.000 fyrir hverjar byrjaðar 24 klst.

Leiga á landgangspalli: kr. 111.000 fyrir hverjar byrjaðar 24 klst.

Leiga á sérstökum friholtum til skipa: kr. 51.534 á hvert friholt, fyrir hverjar byrjaðar 24 klst.

Fyrir netaðgang og uppsetningu greiðast kr. 54.000 fyrir hverja tengingu.

Leiga fyrir óskilgreint geymslusvæði á hafnarsvæði sem hafnarvörður hefur samþykkt, hvort sem um er að ræða fyrir gáma, veiðarfæri eða bát, skal vera 156 kr. á fermetra á mánuði.

Lágmarksgjald fyrir geymslusvæði og skammtímaleigu skal vera kr. 17.311 á mánuði.

Óheimilt er að geyma veiðarfæri og tilheyrandi búnað á hafnarköntum. Heimilt er hafnarvörðum að fjarlægja þannig búnað á kostnað eiganda eða beita sektum allt að kr. 8.401 á sólarhring sé óskum um að fjarlægja hann ekki sinnt.

Mengunarvaldur skal greiða allan kostnað við hreinsun vegna mengunaróhappa samkvæmt lögum um varnir gegn mengun hafs og stranda. Þar getur m.a. verið um að ræða kostnað vegna vinnu slökkviliðs, vinnu starfsmanna og kostnað vegna notkunar á búnaði og nauðsynlegum efnum til hreinsunar.

**Hafnarverndargjald/siglingavernd (ISPS).**

19. gr.

Við komu skipa, sem falla undir ákvæði laga um siglingavernd nr. 50/2004, ber að greiða eftirfarandi gjöld:

a. 58.900 kr. fastagjald.

b. Öryggisgjald á hverja skipakomu fyrir erlend skip (skemmtiferðaskip og flutningaskip).

c. Gjald fyrir farþegavernd: kr. 280 pr. farþega á skemmtiferðaskipi.

d. Öryggisgæsla:

1. 7.500 kr. fyrir öryggisvörð í dagvinnu, á klst.

2. 12.000 kr. fyrir öryggisvörð í næturvinnu, á klst.

**Farþegagjald.**

## 20. gr.

Farþegagjald skal greiða af hverjum farþega ferðþjónustubáta og skemmtiferðaskipa. Gjaldið er kr. 233. Skipstjóri, umboðsmaður eða eigandi farþegaskips skal afhenda hafnaryfirvöldum upplýsingar um farþegafjölda til innheimtu gjaldsins.

## III. KAFLI

**Um innheimtu og greiðslu hafnargjalda.**

## 21. gr.

Hafnarstjóri sér um innheimtu allra hafnargjalda og skal greiða gjöldin á skrifstofu hafnarinnar. Þjónustugjöld skv. 12. og 13. gr. eru innheimt að fullu ef þjónustudagar eru 10 eða fleiri í mánuði, fyrir færri en 10 daga greiðist hálf mánaðargjald.

Á öll gjöld samkvæmt gjaldskrá þessari leggst 24% vsk að undanskildum gjöldum skv. 19. gr.

Séu gjöldin ekki greidd á réttum gjalddögum er heimilt að reikna hæstu lögleyfðu dráttarvexti á skuldina skv. 6. gr. laga um vexti og verðtryggingu nr. 38/2001.

## 22. gr.

Skipstjóri og eigandi skips bera ábyrgð á greiðslu gjalda þeirra sem greiða ber til Stykkishólmshafnar vegna skipsins. Er skipstjóra skylt að afhenda hafnarstjóra þjódernis- og skrásetningarskírteini skipsins, ef hafnarstjóri krefst þess, og hefur hafnarsjóður haldsrétt yfir skirteinunum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda áfallinna gjalda.

Áfallin gjöld skal greiða áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá sýslumanni eða tollstjóra, nema hann sanni með vottorði frá hafnarstjóra að hann hafi greitt öll gjöld sín til hafnarinnar.

## 23. gr.

Vörugjald greiðir móttakandi af vörum sem koma til hafnarinnar og sendandi af vörum sem fluttar eru úr höfninni. Ef margir eiga vörur sem fluttar eru með sama skipi skal afgreiðslumaður skipsins standa hafnarsjóði skil á greiðslum. Ef skip hefur ekki farm sinn skráðan ber skipstjóri ábyrgð á greiðslu vörugjaldsins.

Ef vörur eru fluttar úr einu skipi í annað greiðir sá vörugjaldið sem affermir.

Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar á skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt.

## 24. gr.

Öll gjöld samkvæmt gjaldskrá þessari má taka fjárnámi. Skipagjöldin eru tryggð með lögveði í skipinu og gengur það veð í tvö ár fyrir sammingsveðskuldum, sbr. ákvæði 7. gr. hafnalaga.

IV. KAFLI

**Gildistaka.**

25. gr.

Gjaldskrá þessi fyrir Stykkishólmshöfn er samþykkt af hafnarstjórn Sveitarfélagsins Stykkishólms 2. desember 2024 og af bæjarstjórn 12. desember 2024 skv. hafnalögum nr. 61/2003 og 37. gr. reglugerðar um hafnamál nr. 326/2004.

Gjaldskráin öðlast gildi með birtingu í B-deild Stjórnartíðinda. Jafnframt fellur brott gjaldskrá sama efnis, nr. 1487/2023.

*Stykkishólmi, 12. desember 2024.*

**Jakob Björgvin Sigríðarson Jakobsson** bæjarstjóri.

---

B deild - Útgáfudagur: 1. júlí 2025